

Ibuku rĩa Ngai kũrĩ ciana  
nĩrĩrakũrehera

Jesũ Kũhe Andũ  
5000 Irio



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest  
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani

Rũtungĩtwo nĩ: Bible for Children  
[www.M1914.org](http://www.M1914.org)

©2022 Bible for Children, Inc.

Rũtha: Nĩwĩĩkĩrĩtio kuruta kana gucabithia rũgano rũrũ,  
angĩkorwo ti rwa kwendia.



Atongoria aingĩ a dini (arĩa metagwo Afarisai)  
mahenanagia ũhoroinĩ wa Jesũ.



Amwe ona nĩmageragia kũmũũraga. Matietĩkĩĩtie  
atĩ aarĩ Mũru wa Ngai kũna. Matiamũĩtĩkĩĩrĩĩte ona

gũkorwo  
nĩaringaga  
ciana iria  
cionanagia  
atĩ aarĩ  
Mũru wa  
Ngai.



Mũthenya ũmwe Jesũ akĩringa iria ria Galili.  
Nogũkorwo endaga kweherera andũ haniini tondu  
matindaga hakuhi naake.

No andũ makĩmuona.



Nĩmamenyaga atĩ nĩaringaga  
cama nene. Meendaga  
gũikara nake.




Jesũ agĩtwara arutwo aake handũ kĩĩmainĩ  
hataarĩ na andũ angĩ harĩa maikarire akĩmaruta.  
Andũ aingĩ magĩthĩĩ na mbere gũũka.  
Mahinda ma kũrĩa irio cia hwaĩĩnĩ  
magĩkinya. Andũ  
othe maarĩ ahũũtu.




Jesũ akĩrora kĩrĩndĩ. Akĩũria Filipo, “Tũkũgũra  
kũ mĩgate andũ aya marĩe?” Gũtiarĩ kũndũ  
gwa kũgũra irio. Jesũ abangaga gwĩka atĩa?




Filipo agĩcokeria Jesũ, "Nĩ  
goro mũno kũhe kĩrĩndĩ gĩĩkĩ  
irio." Jesũ na arutwo aake  
matiarĩ na mbeeca nyingĩ.



Mūrutwo ũngĩ, Anderea  
(mũũru wa nyina na Petero)  
akĩĩra Jesũ: "Nĩharĩ kahĩĩ  
haaha karĩ na mĩgate ĩtaano ya  
cairi na thamaki igĩrĩ niini, . . ."



“... no kĩu nĩkĩĩ harĩ andũ aya othe?” Anderea ndoonaga ũrĩa irio icio cia kahĩĩ cingiahotire kũrĩĩo nĩ andũ aingĩ ũguo - o na okorwo kahĩĩ kau nĩkangeaheire Jesũ irio icio.




Jesũ akiuga, "Rekei andũ maikare thĩ."  
Arũme magĩikara thĩ, maarĩ andũ ta ngiri  
ithano. He! NGIRI ITHANO! Na  
tũtitarĩite atumia na ciana arĩa marĩ ho.




Jesũ agĩcooka akĩoya mĩgate na thamaki.  
Kahĩĩ kau nonginya gakorwo nĩkehokeete  
Jesũ. Gatiamenyaga nĩ kĩ Jesũ  
endaga irio ciake cia mũthenya,  
kana ũrĩa Jesũ endaga gwĩka  
nacio. Nogũkorwo geeciririe,  
"Ndaheana irio ciakwa cia  
mũthenya  
ndikũrĩa."  
No ona  
kũhaana ũguo  
gakĩhe Jesũ.




Jesũ akĩhooya. Agĩcokeria  
Ngai ngatho. Nĩũndũ wa  
mĩgate ĩtaano na thamaki  
igĩrĩ? Īĩ! Jesũ akiuga  
"Nĩwega" kũrĩ Ngai na  
akĩmũũria arathime irio.



Thuutha wa kũhooya,  
Jesũ akĩenyũra mĩgate  
na thamaki na akĩhe  
arutwo maheane kũrĩ  
kĩrĩndĩ kũu kĩnene.  
Hĩndĩ ĩyo nĩguo andũ  
moonire kĩaama kĩa  
Jesũ aringire. Andũ  
othe makĩa ũrĩa  
meendaga. Na mĩgate  
na thamaki itiathirire.



Andũ othe mahũũna nĩgwigarire mĩgate na thamaki  
nyingĩ. Jesũ akĩĩra arutwo aake, "Onganiai matigari  
mothe nĩguo gũtikagie kĩndũ gĩkũũra." Makĩiyũria  
ikabu ikũmi na igĩrĩ na matigari ma mĩgate  
ĩrĩa ĩtaano ya cairi yatigĩĩtio nĩarĩa marĩire.



Mũthenya ũcio, Jesũ akĩhe andũ 5000  
irio kũgerera irio cia mũthenya cia kahĩĩ.  
Hĩndĩ ĩngĩ akĩhe andũ 400 kũgerera  
mĩgate mũgwanja na thamaki niini.



Rĩrĩa andũ moonire cĩonereria ici,  
matiarakarire ta Afarisai. No maugire,  
"Nama ũyũ nĩwe mũnabii ũrĩa waarĩ ooke  
gũũkũ thĩ." Nĩmamenyaga atĩ Jesũ nĩwe  
mũhonokia ũrĩa weranĩirwo thĩinĩ wa  
Kiugo gĩtheru kĩa Ngai.



Jesũ Kũhe Andũ 5000 Irio

Rũgano kuma Kiugoinĩ kĩa Ngai,  
kĩrĩa kĩ Ibukuinĩ rĩa Ngai,

rũrĩ thĩinĩ wa

Johana 6

"Ciugo Ciaku ciatarĩrio nĩrehaga ũtheri."  
Thaburi 119:130



Mũico



Rũgano rŭrũ, rŭrĩa rumĩte Ibukuinĩ rĩa Ngai,  
rŭratũmenyithia igŭrũ rĩa Ngai witũ wa magegania,  
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.  
Mũcara wa mehia nĩ gĩkuũ, no Ngai nĩakwendete mũno makĩria  
nginya agĩtũma Mŭrũ wake wa mũmwe, Jesũ, nĩguo oragwo  
mũtharabainĩ na aherithio nĩtondũ wa mehia maku. Nĩacokire  
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie  
akuohere mehia maku, nĩegwĩka ũguo! Nĩegũka na atũre thĩinĩ  
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:  
Mwendwa Jesũ, nĩndetĩkia atĩ wĩ Ngai, na nĩwatuĩkire  
mũndũ nĩguo ũkue nĩtondũ wa mehia makwa, na rĩu wĩ muoyo.  
Nĩndakũhoya ũũke mũtũrĩreinĩ wakwa na ũnjohere mehia makwa,  
nĩguo kuma rĩu, ngĩe na muoyo mwerũ, na mũthenya ũmwe ngoka  
ndũranie nawe tene na tene. Ndeithia gũgwathĩkagĩra na  
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o  
mũthenya o mũthenya! Johana 3:16

